



Trg pravde 10, 76100 Brčko distrikt Bosne i Hercegovine; web: jt-brckodistriktabih.pravosudje.ba; tel: 049/217-227; faks: 049/219-088; e-pošta: jtbtd@jtbtd.ba
Трг правде 10, 76100 Брчко дистрикт Босне и Херцеговине; web: jt-brckodistriktabih.pravosudje.ba; тел: 049/217-227; факс: 049/219-088; е-пошта: jtbtd@jtbtd.ba

Broj: T18 0 KT 0015744 21
Brčko, 11.04.2022. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

ALMEDINA KARAHASANOVIĆA ... rođen ... 1999. godine u Maoči [...]

Što je:

Tokom 2021. godine, pa sve do dana 11.11.2021. godine, u Brčko distriktu BiH, svjestan da je „Cannabis Sativa L“ tzv. „marihuana“, i „Amfetamin“ tzv. „speed“ opojna droga, te da su držanje radi prodaje, posredovanje u prodaji i prodaja opojnih droga zabranjeni, sa namjerom da pribavi protivpravnu imovinsku korist prodajom opojne droge, nabavljao „Cannabis Sativa L“ tzv. „marihuana“, koja je pod tačkom 13. na Listi opojnih droga u tabeli I- Zabranjene supstance i biljke, proglašena opojnom drogom kao i „Amfetamin“ tzv. „speed“, koji je pod rednim brojem 1. na Listi psihotropnih supstanci u tabeli II - Supstance i biljke pod strogom kontrolom proglašen psihotropnom supstancom, čiji promet i držanje su zabranjeni članom 4, 19. i 20. Zakona o sprečavanju i suzbijanju zloupotrebe opojnih droga, a tako nabavljenu opojnu drogu prepakivao u manje PVC paketiće i prodavao krajnjim korisnicima na području Brčko distrikta BiH i to M. H. i drugim licima, i više puta posredovao u prodaji opojne droge „Amfetamin“ tzv. „speed“, licu A.M. i drugim licima, a dana 11.11.2021. godine kod sebe neovlašćeno radi prodaje držao crnu plastičnu kutijicu u kojoj se nalazila opojna droga „Cannabis sativa L“, tzv. „marihuana“ ukupne neto mase 2,685 grama, jedan veći PVC paket oblijepljen streč folijom ukupne bruto mase 10,693 grama, jedan PVC paket bijele boje na vrhu zavezan izvorom toplote, ukupne neto mase 0,713 grama, te jedan PVC paketić na vrhu zavezan u čvor ukupne neto mase 0,909 grama u kojima se nalazila „Cannabis sativa L“, tzv. „marihuana“ ,

dakle, neovlašćeno prodavao, posredovao u prodaji i držao radi prodaje supstance propisom proglašene opojnim drogama,

čime je učinio krivično djelo – Neovlašćena proizvodnja i stavljanje u promet opojnih droga – iz člana 232 stav (1) Krivičnog zakona Brčko distrikta BiH,

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
